



Broj: 07-45-1214-7/24

Datum: 09.05.2024. godine

Na osnovu odredbi člana 20. Zakona o državnoj službi u Kantonu Sarajevo („Službene novine KS“ br. 31/16, 45/19), člana 25, člana 64. stav (1) tačka b), člana 70. stavovi (1), (2) (3) i (6) Zakona o javnim nabavkama („Službeni glasnik BiH“, broj: 39/14, 59/22), Pravilnika o uslovima i načinu korištenja e-Aukcije („Službeni glasnik BiH“ broj 80/23) na preporuku iz Zapisnika o prijemu i ocjeni ponuda broj: 07-45-1214-6/24 od 08.05.2024. godine direktor Zavoda donosi

## **ODLUKU** **o izboru najpovoljnijeg ponuđača**

### **Član 1.**

**Prihvata se preporuka iz Zapisnika o prijemu i ocjeni ponuda o izboru najpovoljnijeg ponuđača, Okvirni sporazum za javnu nabavku usluga – Usluge popravke i održavanja službenih vozila Zavoda, dodjeljuje se ponuđaču AVANTI d.o.o. Sarajevo, ponuda broj: 15/24 dostavljena dana 03.05.2024. godine, sa konačnom cijenom ponude u iznosu od 5.999,00 KM bez uračunatog PDV-a na godišnjem nivou, odnosno 7.018,83 KM sa uračunatim PDV-om kao najpovoljnijem ponuđaču.**

### **Član 2.**

Postupak iz člana 1. ove Odluke proveden je metodom „otvoreni postupak“ za dostavu ponuda, te je nakon otvaranja ponuda provedena „e-Aukcija“, a za izbor najpovoljnijeg ponuđača korišten je kriterij „najniža cijena“.

### **Član 3.**

Izabrani ponuđač **AVANTI d.o.o. Sarajevo**, svoju početnu ponudu nakon provedene „e-Aukcije“ umanjio je za procenat od 39,71%.

### **Član 4.**

Izabrani ponuđač se oslobađa obaveze dostavljanja originala ili ovjerenih kopija dokumentacije iz člana 45. Zakona o javnim nabavkama, jer je iste dostavio uz ponudu.

### **Član 5.**

Prijedlog okvirnog sporazuma dostavit će se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

### **Član 6.**

Ova Odluka objavit će se na internet stranici Zavoda za planiranje razvoja Kantona Sarajevo ([www.zpk.ks.gov.ba](http://www.zpk.ks.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama.

### **Član 7.**

Ova Odluka stupa na snagu danom donošenja.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: **07-45-1214-1/24 od 01.04.2024. godine.**

Javna nabavka je sprovedena putem **otvorenog postupka za dostavu ponuda.**

Procijenjena vrijednost javne nabavke bez PDV-a je **10.000,00 KM na godišnjem nivou.**

Obavještenje o nabavci, broj: **359-1-2-16-3-30/24** objavljeno je na Portalu javnih nabavki dana **05.04.2024.godine.** Sažetak Obavještenja o nabavci objavljen je u Službenom glasniku BiH, broj: **25/24 od 12.04.2024. godine.**

Komisija za nabavku, imenovana je Rješenjem, broj: **07-45-1214-2/24 od 01.04.2024. godine.**

Komisija za javnu nabavku dostavila je direktoru Zavoda za planiranje razvoja Kantona Sarajevo Zapisnik o pregledu i ocjeni ponuda, broj: **07-45-1214-6/24 od 08.05.2024. godine,** u postupku javne nabavke – **Usluge popravke i održavanja službenih vozila Zavoda.**

U postupku po Zapisniku o pregledu i ocjeni ponuda je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku zaprimljene 2 ponude,
- da su blagovremeno zaprimljene 2 ponude,
- da nije bilo neblagovremeno primljenih ponuda,
- da su ponude ponuđača **AVANTI d.o.o. Sarajevo i UNITRADE d.o.o. Ljubuški** kvalifikovane i prihvatljive da su dostavljeni svi traženi dokazi propisani tenderskom dokumentacijom na propisan način

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

Naime, u postupku je ocijenjeno da je Komisija izbor najpovoljnijeg ponuđača izvršila u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjeni zbog:

### Najniže cijene kako slijedi:

Redni broj	Naziv/ime ponuđača	Ukupna cijena ponude bez PDV-a
1	<b>AVANTI d.o.o. Sarajevo</b> <b>Branilaca Sarajeva 4, 71000 Sarajevo</b>	<b>5.999,00 KM</b>
2	UNITRADE d.o.o. Ljubuški Hrvatskih kraljeva 23, 88320 Ljubuški	6.000,00 KM

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Zavoda za planiranje razvoja Kantona Sarajevo, Branilaca Sarajeva br. 26, 71000 Sarajevo.**  
Žalba se podnosi u najmanje 3 (tri) primjerka.



Direktor

Faruk Muharemovic, mr. dipl. ing. arn.

**Dostaviti:**

- Ponuđaču: AVANTI d.o.o. Sarajevo
- Ponuđaču: UNITRADE d.o.o. Ljubuški
- ⊖ Služba za javne nabavke
- a/a